

ლანჩხუთის მუნიციპალიტეტის საკრებულოს  
იურიდიულ საკითხთა და ეთიკის კომისიის  
სხდომის ოქმი №8

ლანჩხუთი

24.08.2022 წელი

12.00 საათი

სხდომას უძღვებოდა: ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის თავმჯდომარე – გიორგი ხელაძე.

სხდომას ესწრებოდნენ: კარლო წილოსანი, დარეჯან ბურჭულაძე, ნინო მშვიდლობაძე.

არ ესწრებოდნენ: საპატიო მიზეზით- ია მოქია, კახაბერ ასკურავა, მაკა მშვიდლობაძე.

მოწვეული პირი: მერიის საფინანსო-საბიუჯეტო სამსახურის უფროსი როლანდ ლაშხია.

სხდომის თავმჯდომარემ, გიორგი ხელაძემ სხდომა გახსნილად გამოაცხადა და კომისიის წევრებს გააცნო დღის წესრიგის პროექტი:

1. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებლები: გიორგი ხელაძე; როლანდ ლაშხია/

2. სხვადასხვა.

სხდომის თავმჯდომარემ, კენჭი უყარა დღის წესრიგის პროექტს:

მომხრე 4; წინააღმდეგი -არცერთი.

დღის წესრიგის პირველი საკითხი: „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის შესახებ ისაუბრა საფინანსო-საბიუჯეტო სამსახურის უფროსმა როლანდ ლაშხიამ. მან განმარტა, საქართველოს მთავრობის მიმდინარე წლის 5 აგვისტოს N1398 განკარგულებით საქართველოს მთავრობის 2022 წლის 17 იანვრის N75 განკარგულებაში შეტანილი ცვლილებებით ლანჩხუთის მუნიციპალიტეტს „საქართველოს რეგიონებში განსახორციელებელი პროექტების ფონდიდან“ დამატებით გამოეყო 2050000 ლარი, რომელიც უნდა მიიმართოს შემდეგ პროექტებზე; ლანჩხუთის მუნიციპალიტეტის აკეთის ადმინისტრაციულ ერთეულში სოფელ შუხუთიდან გაგურის ცენტრამდე გზის რეაბილიტაციაზე 1300000 ლარი, ადგილობრივი ბიუჯეტიდან თანადაფინანსება 68422 ლარი, სულ მიმდინარე წელს პროექტზე მიიმართება 1368422 ლარი; ქ. ლანჩხუთში გორგასლის ქუჩაზე მრავალბინიანი კორპუსის საძირკველის გამაგრებაზე 254000 ლარი, ადგილობრივი



ბიუჯეტიდან თანადაფინანსება 400160 ლარი, სულ პროექტის ღირებულებაა 654160 ლარი; ლანჩხუთის მუნიციპალიტეტის ნიგოთის, გვიმბალაურის, ნინოშვილის, მამათის, აცანის, შუხუთის, ჯურუყვეთის, ნიგვზიანის, ჩოჩხათის, ლესის და სუფსის ადმინისტრაციულ ერთეულებში შიდა სასოფლო გზების რეაბილიტაციაზე 496000 ლარი, ადგილობრივი ბიუჯეტიდან თანადაფინანსება 239465 ლარი, სულ პროექტის ღირებულებაა 735465 ლარი.

როლანდ ლაშხიამ გააკეთა განმარტება და აღნიშნა, რომ საქართველოს მთავრობის 2021 წლის 27 დეკემბრის N2374 განკარგულებით გამოყოფილი თანხით დაფინანსებულ პროექტებზე ტენდერის შედეგების გათვალისწინებით გზების რეაბილიტაციის (ხიდი აკეთი) დაფინანსება უნდა შემცირდეს 3399 ლარით, მუნიციპალიტეტის ბალანსზე რიცხული შენობა-ნაგებობების რეაბილიტაციის დაფინანსება-2681 ლარით. ასევე, საქართველოს მთავრობის მიმდინარე წლის 14 იანვრის N51 განკარგულებით საჯარო სკოლების რეაბილიტაციაზე გამოყოფილი თანხა უნდა შემცირდეს 16455 ლარით. სუფსის სამუსიკო სკოლის სახურავის რეაბილიტაციაზე მიიმართოს საქართველოს მთავრობის 2021 წლის 27 დეკემბრის N2374 განკარგულებით გამოყოფილი თანხიდან 13672 ლარი, ადგილობრივი ბიუჯეტიდან 15058 ლარი, სულ პროექტის ღირებულებაა 28730 ლარი. განათლების, კულტურის, ძეგლთა დაცვის, ტურიზმის, სპორტისა და ახალგაზრდულ საქმეთა სამსახურის განმარტების გათვალისწინებით ახალგაზრდული პროგრამის დაფინანსება გაიზარდოს 2700 ლარით; ხოლო კულტურის ხელშეწყობის პროგრამის საქონელი და მომსახურების მუხლის 1210 ლარით შემცირების ხარჯზე გაიზარდოს განათლების ხელშეწყობის სხვა ხარჯების მუხლი 1210 ლარით.

მან ასევე აღნიშნა, რომ ა(ა)იპ კულტურის დაწესებულებათა გაერთიანების მომართვის საფუძველზე უნდა გაიზარდოს დაფინანსება 15000 ლარით. მუნიციპალიტეტის ტრანსპორტის მოვლა შენახვის და ექსპლოატაციის ხარჯების (საწვავ-საპოხი მასალები ფასების ზრდის გათვალისწინებით) დაფინანსება-78400 ლარით, მათ შორის: საკრებულოს დაფინანსება 35000 ლარით, მერიის დაფინანსება-40000 ლარით, სამხედრო სამსახურის დაფინანსება-3400 ლარით. გარე განათების ქსელის გაფართოების გათვალისწინებით გაიზარდოს მოხმარებული ელექტროენერჯის ხარჯის დაფინანსება 100000 ლარით.

ბიუჯეტში შემოსავლების მობილიზაციის დონის გათვალისწინებით არაფინანსური აქტივების კლებიდან (გაყიდვა) მისაღები შემოსავლის პროგნოზი უნდა შემცირდეს 36395 ლარით. მუნიციპალიტეტის ბიუჯეტიდან ინფრასტრუქტურულ პროექტების თანადაფინანსებაზე მიმართული თანხები და მიმდინარე ხარჯების ზრდის დაბალანსება უნდა განხორციელდეს დამატებითი ღირებულების გადასახადის საპროგნოზო მაჩვენებლების 770600 ლარით და ქონების გადასახადიდან მისაღები შემოსავლის საპროგნოზო მაჩვენებლების 185000 ლარით ზრდის ხარჯზე.

მან ასევე განმარტა, რომ საკრებულოს სხდომაზე, რომელიც ჩანიშნულია მიმდინარე წლის 29 აგვისტოს განმარტებით ბარათს განსახილველად დაემატება რამდენიმე ცვლილება. კერძოდ: სუფსაში კულტურული ღონისძიებების დასაფინანსებლად გამოიყოფა 4600 ლარი, სტიქიის სალიკვიდაციო ღონისძიებებისთვის -100000 ლარი, ახალგაზრდული პროგრამებისთვის-3000 ლარი და ახალგაზრდების განათლების ღონისძიების დასაფინანსებლად -500 ლარი. შესაბამისად ბიუჯეტი გაიზარდება 3005600 ლარით.

კომისიის წევრების მიერ დადგენილების პროექტთან დაკავშირებით შენიშვნები და წინადადებები არ გამოთქმულა.

სხდომის თავმჯდომარემ, გიორგი ხელაძემ კენჭი უყარა დადგენილების პროექტს.

მომხრე 4; წინააღმდეგი - არცერთი.

კომისიამ მიიღო გადაწყვეტილება: კომისიის მიერ მიღებული იქნა აღნიშნული საკითხი.




სხვადასხვა: დეპუტატმა დარეჯან ბურჭულაძემ აღნიშნა, რომ უნივერსიტეტის წინ ფეხით მოსიარულეთა არცერთი გადასასვლელი არ არის ადაპტირებული შშმ პირებისთვის, რაც საჭიროებს ყურადღებას, ასევე დეპუტატმა აღნიშნა, რომ მოსახლეობა კმაყოფილია რეაბილიტირებული სკვერის გაკეთებით, თუმცა ითხოვენ ატრაქციონების დამატებას. დარეჯან ბურჭულაძის თქმით გრიგოლეთის სანაპირო ზოლი დასუფთავებულია, თუმცა აუცილებელია საშხაპის და სველი წერტილის მოწყობა.

დეპუტატმა ნინო მშვიდლობამ აღნიშნა, რომ ქალაქში ასევე უნდა გაკეთებულიყო უსინათლოთა გადასასვლელი.

კომისიის თავმჯდომარემ გიორგი ხელაძემ აღნიშნა, რომ კომისიის სახელზე შემოსულია 3 განცხადება, რომელიც მოკლედ გააცნო კომისიის წევრებს.

ამით კომისიის სხდომამ მუშაობა დაასრულა.

ლანჩხუთის მუნიციპალიტეტის საკრებულოს  
იურიდიულ საკითხთა და ეთიკის კომისიის  
კომისიის თავმჯდომარე:

  
გიორგი ხელაძე



ლანჩხუთის მუნიციპალიტეტის საკრებულოს  
იურიდიულ საკითხთა და ეთიკის კომისიის

დასკვნა №8

ლანჩხუთი

24. 08. 2022 წელი

2022 წლის 21 ივნისს მოწვეულ იქნა ლანჩხუთის მუნიციპალიტეტის საკრებულოს იურიდიულ საკითხთა და ეთიკის კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხები:

1. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებლები: გიორგი ხელაძე; როლანდ ლაშხია /

2. სხვადასხვა.

დღის წესრიგის პირველი საკითხი. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვა.

წარმოდგენილი დადგენილების პროექტი მიღებული იქნა შენიშვნების გარეშე.

იურიდიულ საკითხთა და ეთიკის კომისიის თავმჯდომარე:









გიორგი ხელაძე



ლანჩხუთის მუნიციპალიტეტის საკრებულოს იურიდიულ საკითხთა და ეთიკის  
კომისიის წევრთა დასწრების სარეგისტრაციო ფურცელი

24.08.2022 წელი  
12:00 საათი

	სახელი, გვარი	გამოცხადების დრო	ხელმოწერა
1	გიორგი ხელაძე	11:55	
2	ია მოქია	ჭებუაძე	
3	კახაბერ ასკურავა	ჭებუაძე	
4	მაკა მშვიდლობაძე	ჭებუაძე	
5	კარლო წილოსანი	11:50	
6	ნინო მშვიდლობაძე	11:59	
7	დარეჯან ბურჭულაძე	11:55	